



Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Secunda Secundæ Et Tertia Pars Divi Thomæ Complectitvr -
Qvæstiones Insper Ad Mores, & praxim spectantes, maximè circa
Sacramenta, accuratè declarantur

Carleton, Thomas Compton

Leodii, 1664

Sect. II. Quid sentiendum circa libertatem Christi.

urn:nbn:de:hbz:466:1-13826

negant consequentiam, ad peccatum enim, inquit, requiritur ut sit voluntarium & liberum, quod sine positivo voluntatis actu, à quo denominationem voluntarii formaliter accipiat, fieri non posse afferunt.

III. *Sed contra, si namque administratur pura omisso mortis libera, erit p. camino.* Hac solutio ab omnibus rejicitur, quia dato possibilem esse puram omissionem, agere quis negaverit eam esse liberam, ut patet in libertate contradictionis, si vero sit libera, erit peccatum. Secundū: si pura omissione sit possibilis, frequenter contingit, quare si dari possit non libera, posset quis attendendo ad rem praeceptam, ad quam habet libertatem sufficientem ut eam prestat, omittere tamen sine culpa; unde quoties quis peccat contra praeceptum positivum, confiteri deheret peccatum illud ut dubium. Contra tertium: Nam secundum hunc modum non videtur posse Christum obligari ex praecepto ad mortem subeundam, cùm sine culpā possit illam omittere.

IV. *Dicunt alii, quamvis Christus non potuerit non mori, posse praecepto, exigebat tamen, inquit, auxilia libera.* Tertiū: Suarez hic, disp. 37. scđt. 3. quem sequuntur Albertinus principio 5. corol. 3. dub. 1. & ex parte Tannerus hic, quæst. 6. dub. 4. ait eti Christus posito præcepto non potuerit non mori, liberè tamen, inquit, est mortuus, quia ex vi unionis exigebat auxilia, efficacia quidem, sed libera, per quæ impleturus esset certissimum præceptum, ita tamen ut ad illius impletionem non necessitaretur, cùm principium immediatum & intrinsecum operis, per quod implebat præceptum, esset indifferens, omnis autem alia determinatio est extrinseca, & consequenter non necessitans simpliciter.

V. *Contra tamen hos facti, Christus namque necessitatus fuit ad non peccandum, sed non implore præceptum est peccatum, ergo.* Sed contra primū: Non implere præceptum est peccatum, sed Christus non potuit committere peccatum, ergo non potuit non implere præceptum, ergo erat necessitatus ad illius impletionem, necessitas autem quævis, sive ab extrinseco sit, sive ab intrinseco, tollit libertatem, cùm determinatio ad unum undecunque proveniat, stare nequeat cum indifferentiā ad operandum & non operandum: cùm ergo hæc determinatio sit antecedens, tollit libertatem: sicut si Deus non præberet concursum in actu primo tolloret libertas, licet concursum Dei sit quid extrinsecum.

VI. *Non refert substantiam non concurrens ad operationes effectivæ, & consequenter minus spectat ad illarum libertatem. Contra: Quavis namque conditio antecedens actionem & determinans ad unum æquè tollit indifferientiam potentia ad utramque partem contradictionis, ac quodvis principium influens, sicut communiter dicitur cognitio non influere in actum voluntatis, sed solum esse conditio respectu illius, & tamen visio beata æquè necessitat ad amorem, ac præterminatio physica ad quævis actum in via.*

VII. *Ex illâ sententia sequitur, quavis Christus de facto non peccaverit, potuisse tamen peccare.* Secundū: Impugnat hæc sententia ostendendo non posse Deum præbere auxilium indifferens, si namque concursum, quem offert Christo Deus, sit indifferens, ergo est talis ut possit non habere effectum, ergo illo stante potest Christus simpliciter non implere præceptum, ergo peccare, ergo licet de facto nunquam esset peccator Christus, cùm auxilium hoc sit efficax, posset tamen peccare, cùm relinquatur in ejus voluntate indifferientia ad utramque partem contradictionis: licet ergo hoc numero auxilium, quod habuit Christus fuerit secundum se indifferens in sensu diviso præcepti, & unionis hypoth-

ticæ, in his tamen circumstantiis non relinquit potentiam indifferentem ad utramque partem contradictionis, cùm altera pars sit peccatum.

Quartò alii dicunt propterea Christum liberè esse mortuum, quia præceptum, inquit, est foliū quid consequens, vidit enim Deus antecedenter ad præceptum, quo se esset inclinatura voluntas humana Christi, ex quâ præscientia præcepit ipsi susceptionem mortis, quam conditio nate videt fore ut liberè amplectetur. *Dicunt alii, præceptum effe tantum quid consequens ad acceptationem mortis in Christo.*

SECTIO SECUNDA.

Quid sentiendum circa libertatem Christi.

Dico primū: Christus per observationem præceptorum naturalium non mentiendi verbi gratia, &c. à quibus eximi non potuit, verò meruit: ita omnes communiter. Ratio est, qui esto Christus mentiri non potuit, potuit tamen actu magis vel minus intenso, ex hoc vel illo motivo, quæ non solum est libertas mere physica, sicut cùm quis ex duobus individuis æquilibus alterum eligit, sed etiam in genere moris, & laude ac estimatione digna. Actus verò ille positivus, quo Christus implevit præceptum naturale negativum, fuit omnino liber, etiam quoad totam speciem actus, sine ullâ omnino vel indeterminata necessitate. Ratio est, quia potuit Christus simpliciter per puram omissionem satisfacere huic præcepto, ergo actus positivus ad hoc non erat illo modo necessarius.

Dico secundū: Christus non fuit liber ad implendum & non implendum præceptum mortis. *Christus non fuit liber ad impleendum & non implendum præceptum mortis.* Ratio videtur clara, quia non impletio præcepti est peccatum, sed Christus non est liber ad peccatum, ergo.

Dico tertium: Quavis Christus non potuisset absoluē nolle mori, liber tamen fuit quod mortis circumstantias: ita Valentia hic, quæst. 19. Liber fuit punct. 2. Valquez disp. 74. cap. 5. Lessius de Prædestinatione Christi, scđt. 3. Suarez scđt. 4. estque communis inter recentiores. Ratio est, quia esto habuerit Christus præceptum, etiam ab soluto moriendi, non tamen erant determinatae omnes mortis circumstantiae, sed poterat Christus hoc vel illo tempore & loco, ex hoc vel illo motivo, &c. mortem amplecti, ergo quantumcumque fuerit Christo necessaria mors, circumstantiae tamen erant Christo liberae.

Hæc ergo libertas sufficit ad meritum, estque libertas non merè physica, sed etiam in genere moris: nec est paritas in eo quod communiter obicitur, si quis adjudicatus sit morti, vel carceri, parum referre quod eligat in hac vel illâ rûm, sed cruci mori, seu quod in hoc vel illo carceris angulo te locet; esto enim hoc exiguum sit in estimatione morali, pati tamen talia vel talia tormenta,

menta, mori in loco celebri vel obscurio, unde major oriatur mortis ignominia, ex hoc vel illo motivo mortem acceptare, sine dubio sunt circumstantiae multum ad estimationem moralem mortis facientes. Si tamen fuissent determinatae omnes omnino circumstantiae specie diversae, & solùm roliatum fuisset liberum Christo hoc vel illo actu, numero tantum distincto mortem amplecti, licet quidem tunc sit libertas physica respectu horum actuum, cùm nullus in particulari à Christo exigatur, nulla tamen esset libertas in genere moris, cùm hoc vel illo actu ejusdem omnino rationis mortem amplecti, quoad estimationem moralē parum habeat momenti.

V.
Certum videtur omnes mortis circumstantias non fuisse Christo praeposita.

Quod verò non fuerint in particulari præcep-
tæ omnes circumstantiae mortis Christi, videtur certum, nam ut optimè ostendit Vasquez cap. 4. & 5. non videtur probabile aeternum Patrem singula sigillatim præcepisse, nempe motivum, intentionem actus, diem, locum, &c. tum quia ut hoc non fieret exigere videtur dignitas Christi, tum quia in nullo alio præcepto hac omnia definire solet Deus, ergo nec in hoc præcepto verisimile est cum id fecisse.

VI.
Ipsa etiam mortis substantia fuit Christo libera.

Dico quartò: Non circumstantiae tantum, sed ipsa mortis substantia erat Christo libera. Hanc conclusionem probat Sanctus Thomas in catena ex Sancto Chrysostomo super verba illa Matth. 26. vers. 53. *An putas quia non possum rorare Patrem, &c.* ubi ostendit Christus se mortem voluntariè suscepisse, quo etiam sensu dicit idem Christus Joan. 10. *Nemo tollit animam meam a me, sed ego pono eam a meipso.* & potestatem habeo ponendi eam, & potestatem habeo iterum sumendi eam, hoc mandatum accepi a Patre: quod etiam probat illud Isaia 53. vers. 7. *Oblatus est quia ipse voluit:* quæ omnia liberam aliquo saltem modo fuisse Christo mortem clare ostendunt.

VII.
Primus modus defendendi Christi libertatem est, si fuisse ipse impositum præceptum mortis dependenter ab illius acceptatione.

Variis hoc modis declarari potest: primò, si dicamus cum doctris quibusdam recentioribus fuisse impositum præceptum mortis dependenter ab illius acceptatione, quod expressè affirmant Sanctus Chrysostomus, & Sanctus Anselmus, datam scilicet fuisse Christo primo conceptionis instanti optionem vita passibilis vel impassibilis, & dependenter ab electione vita passibilis fuisse Christo impositum præceptum moriendi pro salute hominum, probantque ex illo ad Hebreos cap. 12. *Qui proposito sibi gaudio sustinuit crucem, confusione contempta:* & Psalmo 39. ubi sic inducitur loquens Christus aeterno Patre: *Sacrificium & oblationem noluisti,* aures autem perfecisti mihi, quem locum alii legunt, aures autem perforasti mihi, dicuntque allusionem fieri ad consuetudinem Judæorum, ut notat Salmeron, & alii, apud quos in more erat, ut servo post septennum daretur optio libertatis, quam si renuebat, perforabantur illi aures, & perpetuo servus manebat: sic cùm Christus corpus mortale elegisset, reculata impossibilitate, præceptum crucis subeundæ ei imponebatur, & mancipii instar ad ignominiosam mortem ducetus est, quam tamen si voluisse, effugere potuisse eligendo impossibilitatem, sique liberè passus est, & mortuus, dependenter scilicet à primâ illâ electione, per quam elegit mortem, cùm tunc potuerit eam non eligere.

VIII.
Obje. Hinc modum defendendi libertatem Christi, reducitur sequi totum negotium.

Dices cum Patre Suarez, secundum hunc modum defendendi libertatem Christi, reducitur sequi totum negotium in voluntatem humanam Christi, cùm penes ipsam fuerit

mandatum accipere vel non; hoc autem inconveniens videtur, cùm redemptio hominum fuerit præcipuum opus Dei: Respondeo distinguendo antecedens reducitur hominum redemptio in voluntatem humanam Christi secundum fe: nego antecedens, in voluntatem humanam Christi ut præventam auxilio efficaci & scientiæ conditionata quid esset facturus Christus; si hoc illius potestati permitteretur, concedo, in hoc autem nihil incommodi, cùm hoc modo Christo tanquam Redemptori bona quæ habemus omnia debeamus, & nihilominus singularissimum esse opus Dei agnoscamus, qui ita Christi voluntatem prævenerit, ut hoc vellet.

Secundus modus, quo defendi possit ipsam mortis substantiam fuisse Christo liberam, est, ut dicamus impositum ipsi fuisse præceptum dependenter à conditione, vel ab ipso Christo posse liberam, quia præceptum moriendi non ita injunctum ei fuit mori, ut deberet curare se interficendum, sed casu quo à Iudeis mors ei inferretur, quod inter alios docet S. Anselmus, libro, *Cur Deus homo*, cap. 8. Non videtur, inquit, Christo nudè præcepta mors, sed ut justitiam indeclinabiliter sectando, verbo & exemplo doceret homines mortem, si ob hanc inferretur, pro corumdem salute perferret: in Christi auctem potestate fuit quo minus hoc ipsi vellent, ut poterit qui in manu suâ eorum corda haberet, cum collatio omnis auxili & cognitionis à Christo potenderet, unde eorum voluntates ad quidlibet potuisse inflectere, & efficere ut de morte ipsi inferendâ nunquam cogitarent, sed potius summo ipsum honore prosequerentur.

Hic uterque modus probabilis est, non tamen ostendit fuisse impletionem præcepti moriendi Christo liberam quoad substantiam immediatè, *ut mors* sed solum mediata, nempe primam illius acceptationem, aut conditionis positionem, posita autem conditione & acceptatione, necessitatibatur Christus ad mortem subeundam, unde mortuus est immediatè ex necessitate, & ad summum dici potest fuisse Christo liberas illius circumstantias iuxta tertiam conclusionem.

Tertius itaque quorundam recentiorum dividendi modus, quem referunt Suarez, & Valquez, *Tertius modus* propterea fuisse Christo liberam ipsam mortis substantiam, quia potuit petere præcepti illius dispensationem, quam si petuisse, fuisset ipsi concessum non mori. Cùm ergo in Christi potestate fuerit dispensationem hanc petere, utpote penes quem statbat quod cam non petierit, penes ipsum etiam fuit, quod sit mortuus, sique liber fuit ad moriendum & non moriendum. Hoc probant loca illa Scripturæ supra in conclusione quartâ allata ad ostendendum mortem Christo fuisse liberam.

Dices primò: Nec secundum hunc modum fuisse immediatè liberum Christo non mori. *Obje. Negat hanc prædictam eam.* Responderi communiter solet negando antecedens, sed semper poterat immediate nelle mori, sicut si sciret quis superiorum, ipsum liberaturum fuisse Christi à recitatione Officii exempli gratia, si petat dispensationem, potest hic absolute & immediate dicere, nolo recitare Officium, licet semper cum relatione ad dispensationis petitionem.

Dices secundò: Vel præceptum mortis Christo ab aeterno Patre impositum, erat absolutum, *Obje. Nec vel conditionatum;* si secundum, ergo non egredi dispensatione; si primum, tolli non potuit, *nec potuit cum*

*affe conditi
gnaturum,
nec ab solu-
tum.*

cum efficaci Dei voluntati nihil sit quod resistat, ergo. Respondeo omne præceptum positivum esse aliquo modo conditionatum, unde hoc etiam præceptum non fuit omnino absolutum, sed casu quo Christus dispensationem non peteret, non est autem cur hoc modo imponi præceptum à Deo nequeat, cum frequens hic sit præceptorum modus. Nec urget id quod objicit Vasquez, Christum in horto dispensationem hujus præcepti petuisse, quam tamen non obtinuit; Christus enim non omnino efficaciter id petebat, sed solum ostendere volebat mortem sibi secundum naturam humanam fuisse disconvenientem.

XIV. *Quid si
Christus ad
ultimum
vita instantis
pervenisset.*

Hinc infero: Etsi ponamus Christum ad ultimum instantis præfixi sibi ab æterno Patre vita temporis pervenisse, potuisse tamen ipsum etiam in illo nolle mori, cum sciret quocumque instanti dispensationem petisset, se illam fuisse certissimè obtenturum. Et hic scivit Christus mortem suam fuisse à Deo præfinitam, hanc tamen præfinitionem sciebat sibi solum consequentem, sicque dependere à liberâ ipsius acceptatione, & hoc pacto nihil obstat illius libertati, cum cognitio illa in mortis acceptationem non influeret.

XV. *Hic modus
defendendi
Christi li-
bertatem
videtur ex
omnibus
præcedenti-
bus aptissi-
mus.*

Hic modus ex omnibus videtur apertissimus ad salvandum quo pacto præcepti impletio, etiam quoad substantiam, fuerit Christo libera, unde licet ita impositum fuisse præceptum ut omnes circumstantiae fuisse determinatae, adhuc fuisse libera mors Christo quoad substantiam, cum etiam tunc petere & obtinere potuisse dispensationem.

XVI. *Obijc. Chris-
tum ex lige
naturali
charitatis
necessarium
fuisse ad mo-
riendum pro
humano go-
nere.*

Dices tertio: Ex alio capite videtur Christo fuisse necessariam mortem, quoad substantiam; ad hanc enim obligabatur præcepto naturali charitatis, cum mortem suam ad salutem hominum videret esse necessariam, unde videtur debuisse Christum necessariò pati dispendium naturalis vita post breve tempus recuperanda, ob tantum univerbi humani generis commodum. Respondetur, alias fuisse vias homines redimendi, nec fuisse ex se necessariam mortem Christi, potuisset enim Christus quavis actione hoc præstare, nec si ponamus cum habuisse ejusmodi obligationem ex charitate, tenebatur ad plus præstandum quam ad satisfactionem condignam exhibendam, si autem Pater eam noluisset accipere non stabant per Christum.

XVII. *Ponit chri-
tus quo-
rum in stan-
ti, via in-
tentio-
nis du-
cere, Nolo
mori.*

Hunc respondendi modum eò plenius proposui, quod cum valde probabilem judicem. Secundum hanc ergo respositionem existimo potuisse Christum quavis vita instanti viâ intentionis, seu intendendo petere dispensationem, dicere: *Nolo mori.* Potuisset etiam quavis instanti libere dicere: *Volo mori,* imò & libere etiam dicere: *Volo mori ex obedientia,* nunquam tamen dicere potuit: *Volo mori ex obedientia liberi,* ad moriendum siquidem ex obedientia debebat stare præceptum, hoc autem stante, non fuit liberum Christo, quantumcumque illud primo instanti libere admiserit, non mori; hoc quippe fuisse refragari præcepto, & consequenter peccare.

XVIII. *Res hac
exempli
Theologico
declaratur.*

Res hæc declaratur exemplo: Ponamus Deum hoc pactum facere cum Petro, eo instanti, quo eliceris actum humilitatis, dabo tibi prædeterminationem phyllicam ad actum charitatis (in sententiâ dicente prædeterminationem physicam tollere libertatem, de qua re nihil affirmo) in hoc casu Petrus est liber ad habendam prædeterminationem physicam, cù tamen posita non est

liber ad non eliciendum actum charitatis, nulla autem physica prædeterminatio magis quemquam necessitat ad actum aliquem eliciendum, quâm præceptum moriendi necessitat Christum ad moriendum, nec ad hoc est liber formaliter & immeditatem, sed radicaliter tantum & remotè, quatenus nimis potuit non acceptare præceptum, illiusque continuationem, ut de actu charitatis proximè dictum est. Hic tamen respondendi modus sufficieret ostendit ipsam mortis substantiam fuisse, saltem mediately, Christo liberam, cùm potuerit causam mortis, nempe præceptum, tollere.

SECTIO TERTIA.

*Alius modus quo procedunt nonnulli ut
salvent libertatem Christi in
morte subeundâ.*

ALIAM quorundam video circalibertatem Christi in moriendo procedendi viam: Negant alidicunt itaque Christum non habuisse propriè & rigorosè præceptum moriendi, quodque sub ullo omnino peccato obligabat, sed impropriè tantum mortum, quatenus scilicet præceptum significat ordinandi & directionem superioris sub nullo, no veniali quidem peccato per illam obligantis, quales in variis regionibus sunt regulæ, quas religiosi servando veram exercentes obedientiam, cùm per eas voluntas superioris iis intimetur, ipso obsequendo, cise subjiciant & obtemperent. Hunc modum defendendi libertatem Christi in præcepto moriendi tradit & fusc explicat Lorca hic, quæst. 19. disp. 63. plurisque alios pro cædem citat, ut Paludanum in 3. dist. 12. quæst. 2. art. 3. Dionylium Carthusianum in 3. quæst. 3. art. 2. & alios: in quâ etiam sententiâ videtur esse S. Chrysostomus Homiliâ 28. in Epistola ad Hebræos, S. etiam Cyrillus Alexandrinus lib. 7. in Joannem cap. 7. vel alter non exigua auctoritas, si liber ille non sit S. Cyrilii. Nec ab hac opinione alieni videntur alii Patres. Hanc insuper sententiâ ex antiquioribus Theologis tenet Victoria, cùmque fusc defendit. Hunc proinde libertatem Christi in moriendo explicandi modum non improbabilem judicat Cardinalis de Lugo hic, disp. 26. sect. 8. n. 100. & Arriaga hic, disp. 42. sect. 2. num. 22. eam censer esse valde probabilem.

Quoad me nihil video cur, saltem quantum ad obedientiam, hâc viâ Christi in moriendo libertas defendi nequeat; nec enim in eâ quidquam appetit vera & perfecta obedientia repugnans; imò Sanctus Thomas de peculiari ratione obedientia loquens 2. 2. quæst. 104. a. 2. hoc genus obedientia ait esse perfectius, sic enim habet: *Voluntas superioris, quomodounque imotescat, est quoddam tacitum præceptum, & tanto videtur obedientia perfectior, quanto expressum præceptum obedientia prævenit, voluntate superioris intellecta.*

Ceterum contraria sententia sacris literis multo est conformior, in quibus sepe continetur præceptum Christo à Patre fuisse impositum; sic enim Joannis 10. vers. 18. dicit Christus: *Hoc mandatum accepi à Patre meo:* Joannis etiam 15. refatur vers. 10. *Ego Patris mei præcepta servavi,* idemque in aliis Scriptura locis frequenter expressis verbis continetur, unde non leye ex divino verbo sumitur